

Headline	Saya tidak akan berganjak		
MediaTitle	Utusan Malaysia		
Date	21 Mar 2017	Language	Malay
Circulation	171,663	Readership	563,000
Section	Dlm Negeri	Page No	3
ArticleSize	563 cm ²	Journalist	N/A
PR Value	RM 33,687		



PM tekad bantu rakyat walaupun ditohmah pelbagai pihak

'Saya tidak akan berganjak'

Oleh SHARIFUDDIN SAARI

pengarang@utusan.com.my

■ LANGKAWI 20 MAC

PERDANA Menteri, Datuk Seri Najib Tun Razak menegaskan, beliau tidak akan berganjak untuk membantu dan membela rakyat walaupun ditohmah pelbagai pihak setiap masa.

Katanya, sebagai Perdana Menteri yang prihatin terhadap nasib penduduk bandar dan luar bandar, beliau tidak akan berhenti melaksanakan amanah itu.

Tambah beliau, ini termasuk menjaga kebajikan rakyat Kedah

kerana tidak semestinya mereka hanya memerlukan Perdana Menteri dari negeri itu untuk membantu penduduknya.

"Walaupun saya berasal dari Pahang, saya akan tetap membantu Kedah kerana Kedah ialah 'jantung hati' UMNO dan BN (Barisan Nasional).

"Depa nak kata apa, katalah, tetapi saya tidak akan berganjak (membantu rakyat)," katanya ketika berucap sempena Majlis Perdana Menteri Bersama Rakyat dan Perasmian Kabel Dasar Laut

Melalui Sistem Grid Kebangsaan di Pulau Tuba di sini hari ini.

Yang turut hadir, Menteri Besar, Datuk Seri Ahmad Bashah Md. Hanipah dan Menteri Pendidikan, Datuk Seri Mahdzir Khalid.

Pembinaan kabel berkenaan yang diluluskan peruntukannya sebanyak RM46 juta pada 2012, siap sepenuhnya selepas 18 bulan dan telah memberi manfaat kepada kira-kira 5,000 orang penduduk di pulau tersebut.

Lawatan itu adalah kali kedua beliau sebagai Perdana Menteri.

Sebelum ini, penduduk di situ terpaksa menggunakan jana kuasa untuk mendapatkan elektrik namun bekalannya tidak stabil kerana sering kali terputus.

Dalam majlis sama, Perdana Menteri turut mengumumkan peruntukan sebanyak RM700,000 menerusi Tenaga Nasional Berhad (TNB) untuk pelbagai projek rakyat.

Projek berkenaan adalah pembinaan sebuah jeti penumpang di Tanjung Pandan di sini meli-

batkan peruntukan berjumlah RM600,000, pendawaian semula sebanyak 30 buah rumah (RM60,000) dan pembinaan 38 tiang lampu jalan.

Selain daripada itu kerajaan turut meluluskan pembaikan rumah rakyat di situ berjumlah RM800,000 dan pembinaan sebuah mini stadium yang akan diumumkan dalam Bajet 2018.



Walaupun saya berasal dari Pahang, saya akan tetap membantu Kedah kerana Kedah ialah 'jantung hati' UMNO dan BN (Barisan Nasional) Depa nak kata apa, katalah, tetapi saya tidak akan berganjak (membantu rakyat)."

NAJIB TUN RAZAK
Perdana Menteri

Headline	Saya tidak akan berganjak		
MediaTitle	Utusan Malaysia		
Date	21 Mar 2017	Language	Malay
Circulation	171,663	Readership	563,000
Section	Dlm Negeri	Page No	3
ArticleSize	563 cm ²	Journalist	N/A
PR Value	RM 33,687		



NAJIB TUN RAZAK mendengar penerangan mengenai kabel dasar laut manakala gambar kanan. beliau beramah mesra dengan orang ramai dalam program Perdana Menteri Bersama Rakyat dan Perasmian Kabel Dasar Laut Melalui Sistem Grid Kebangsaan di Pulau Tuba, Langkawi, semalam. Turut kelihatan, Ahmad Bashah Md. Hanipah dan Mahdzir Khalid. - BERNAMA